

শব্দহারা

মাহমুদা রুণু

গুলির শব্দে নিঃসৃত্তর ভাষার শব্দ ।
শব্দহারা
দৃষ্টিতারা ।
হৃদয় পাথর
চিন্তা নিখর ।

পিলখানার দুর্ভেদ্য দেয়ালের ভেতর
আদর্শিক মানুষের মস্তিস্কে
জানোয়ারের মগজ কিভাবে ঢুকে গেল?

সহোদরের লাশে গণকবর ?
এ কোন হানাদার?
বাংগালী জোয়ানের শরীরে হায়নার রক্ত?
এ ভ্রম রক্তস্নাত মাটির গর্ভে, নাড়িতে সৃষ্টি?

হে বঙ্গজননী! প্রশ্নের জবাব তোমাকে
পেতেই হবে, আমাকে দিতেই হবে ।

আর কতোকাল বুড়িগঙ্গা বইবে সন্তানের লাশ?
আর কতদিন বাতাসকে বইতে হবে বারুদের গন্ধ?
আরও কতবার হৃদয়বিদারক আর্তনাদে কবর দিতে হবে স্বজন?
স্বাধীনতা কি সোনার পাথরবাটি?

মানুষের চেয়ে বিচিত্র জীব
বোধকরি বিধাতা আর একটিও সৃষ্টি করেননি ।

এ পৃথিবীর সবচেয়ে হালকা অস্ত্র, কলম ।
এর কিছু শব্দের প্রয়োজন ।
যার চয়নে প্রতিরোধের কামান তোপে
ধ্বংস হোতে পারে
হায়নাদের সমস্ত প্রজন্ম ।

কিন্তু, সত্য এই
এখানে শব্দেরাও নিসৃত্তর ।

আহাৰে দুঃখিনী বাংলা !!
এক দুঃখেৰ দৰজা পেরিয়ে ভরসার ঘৰে
পা রাখতেই
আসে অন্য রকম দুঃখ ।
আহাৰে বাংলাদেশ ! আহাৰে!!!!!!
শব্দহারা
দৃষ্টিতারা ।
হৃদয় পাথর
চিন্তা নিখর ।

২৬ ফেব্রুৱাৰী ২০০৯